

157
16

五
經

書
經

地

東 京 圖 書 館				
一 一	四 七	二 三	五 七 一	經 書 類
册	號	架	函	

漢書門

經書類

五
七
一

二
三

四
七

一
一

册

號

架

函

周書周文王國號
後武王因以為有
天下之號書凡三
十三篇

泰誓泰大同國語
作大武王伐殷史
錄其誓師之言以
其大會孟津稱書
者因以泰誓名之
十有三年武王即
位之十三年也
孟津孟地名津渡
處也杜預云在河
南鄆河陽縣南今
孟州河陽縣也
受封名也
沈而溺於酒也
冒色冒亂女色也

周書

泰誓上



明治八年文部省交付

惟十有三年春大會于孟津王曰嗟我友邦
冢君越我御事庶士明聽誓惟天地萬物父
母惟人萬物之靈曾聰明作元后元后作民
父母今商王受弗敬上天降災下民沈湎冒
色敢行暴虐罪人以族官人以世惟官室臺
榭陂池侈服以殘害于爾萬姓焚燹忠良劓
剔孕婦皇天震怒命我文考肅將天威大勳
未集肆予小子發以爾友邦冢君觀政于商

W. J. ...

Sumada

夷居踣踣也

佑助也

羅受也

度量度也

義宜也則事違

之宜也

貫通也

盈滿也

宜于家土家土大

社也祭社曰宜

惟受罔有悛心乃夷居弗事上帝神祇遺厥

先宗廟弗祀犧牲黍稷既于凶盜乃曰吾有

民有命罔懲其侮天佑下民作之君作之師

惟其克相上帝寵綏四方有罪無罪予曷敢

有越厥志同力度德同德度義受有臣億萬

惟億萬心予有臣三千惟一心商罪貫盈天

命誅之予弗順天厥罪惟鈞予小子夙夜祗

懼受命文考類于上帝宜于家土以爾有衆

底天之罰天矜于民民之所欲天必從之爾

尚弼予一人未清四海時哉弗可失

泰誓中

戊午以武成考之

是一月二十八日

河朔河北也

而土周都豐鎬其

地在西故曰西土

也

釐利黑通黑而黃

也

元良微子也

諫輔比于也

惟戊午王次于河朔羣后以師畢會王乃徇

師而誓曰嗚呼西土有衆咸聽朕言我聞吉

人為善惟日不足凶人為不善亦惟日不足

今商王受力行無度播棄黎老昵比罪人淫

酗肆虐臣下化之朋家作仇脅權相滅無辜

顛天穢德彰聞惟天惠民惟辟奉天有夏桀

弗克若天流毒下國天乃佑命成湯降黜夏

命惟受罪浮于桀剝喪元良賊虐諫輔謂曰

有天命謂敬不足行謂祭無益謂暴無傷厥

亂臣十人治部曰亂十人周公且召公奭太公望畢公榮公太顛閎夭散宜生南宮括其一父母
過廣韻曰責也
凶殘封也
勳勉也
天子將士也
厥明戊午之明日也
斷朝涉之脛孔氏曰冬日見朝涉水者謂其脛頑寒而視之

鑒惟不遠在彼夏王天其以予乂民朕夢協朕卜襲于休祥我商必克受有億兆夷人離心離德予有亂臣十人同心同德雖有周親不如仁人天視自我民視天聽自我民聽百姓有過在予一人今朕必往我武惟揚侵于之疆取彼凶殘我伐用張于湯有光勗哉夫子罔或無畏寧執非敵百姓懍懍若崩厥靡嗚呼乃一德一心立定厥功惟克永世

泰誓下

時厥明王乃大巡六師明誓衆士王曰嗚呼

剖賢人之心史記云比干強諫紂怒曰吾聞聖人心有七竅遂剖比干觀其心

我西土君子天有顯道厥類惟彰今商王受狎侮五常荒怠弗敬自絕于天結怨于民斷朝涉之脛剖賢人之心作威殺戮毒痛四海

正士箕子也

崇信姦回放黜師保屏棄典刑囚奴正士郊

悅婦人列女傳曰紂膏銅柱下加炭

社不修宗廟不享作奇技淫巧以悅婦人上

令有罪者行報隨炭中姐已乃失夫

帝弗順祝降時喪爾其孜孜奉予一人恭行

烙之刑獨夫言天命已絕

天罰古人有言曰撫我則后虐我則讐獨夫

夫耳

受洪惟作威乃汝世讐樹德務滋除惡務本

肆予小子誕以爾衆士殄殲乃讐爾衆士其

果殺殺教為果致果為殺

尚迪果殺以登乃辟功多有厚賞不迪有顯

無罪猶言無過也

無良猶言無善也

牧誓 牧地名在朝

歌南即今衛州治

之南也武王軍於

牧野臨戰誓衆

甲子二月四日也


黃鉞鉞斧也以黃

金為飾王無自用

鉞之理左杖以為

儀耳

黃鉞圖



白旄軍中指麾白

則見遠麾非右手不能故有兼白旄也

白旄圖



司徒主民治徒旅

之政令

司馬主兵治軍旅

之誓戒

司空主土治壘壁

以營軍

亞旅亞者卿之貳

大夫是也旅者卿

之屬士是也

師氏以兵守門者

也

千夫長統千人之

師也

百夫長統百人之

五經圖解

戮嗚呼惟我文考若日月之照臨光于四方
顯于西土惟我有周誕受多方予克受非予
武惟朕文考無罪受克予非朕文考有罪惟
予小子無良

牧誓

時甲子昧爽王朝至于商郊牧野乃誓王左
杖黃鉞右秉白旄以麾曰逖矣西土之人王
曰嗟我友邦冢君御事司徒司馬司空亞旅
師氏千夫長百夫長及庸蜀羌髡微盧彭濮
人稱爾戈比爾干立爾矛予其誓王曰古人之

有言曰牝雞無晨牝雞之晨惟家之索今商

王受惟婦言是用昏棄厥肆祀弗答昏棄厥

遺王父母弟不迪乃惟四方之多罪逋逃是

崇是長是信是使是以為大夫卿士俾暴虐

于百姓以姦宄于商邑今予發惟恭行天之

罰今日之事不愆于六步七步乃止齊焉夫

子勗哉不愆于四伐五伐六伐七伐乃止齊


焉勗哉夫子尚桓桓如虎如貔如熊如羆于

商郊弗迓克奔以役西土勗哉夫子爾所弗

勗其于爾躬有戮

師也
庸漢在江漢之南
着在西蜀
繫微在巴蜀
廬彭在西北
桓桓威武貌

虎圖



貌三才圖會曰貌
豹屬猛獸陸機云
貌似虎或曰似熊
一名執夷一名曰
孤遼

貌圖

武成

惟一月壬辰旁死魄越翼日癸巳王朝步自
周于征伐商厥四月哉生明王來自商至于
豐乃偃武修文歸馬于華山之陽放牛于桃
林之野示天下弗服丁未祀于周廟邦甸侯
衛駿奔走執豆蓬越三日庚戌柴望大告武
成既生魄庶邦家君暨百工受命于周王若
曰嗚呼羣后惟先王建邦啓土公劉克篤前
烈至于太王肇基王迹王季其勤王家我文
考文王克成厥勳誕膺天命以撫方夏大邦

熊圖



武成篇中有武成
二字遂以名篇
一月建寅之月
壬辰一月二日也
周鎬京也在京兆
鄠縣上林即今長
安縣昆明池北鎬
陂是也

畏其力小邦懷其德惟九年大統未集予小
子其承厥志底商之罪告于皇天后土所過
名山大川曰惟有道曾孫周王發將有大正
于商今商王受無道暴殄天物害虐烝民爲
天下逋逃主萃淵藪予小子既獲仁人敢祗
承上帝以遏亂畧華夏蠻貊罔不率俾恭天
成命肆予東征綏厥士女惟其士女篚厥玄
黃昭我周王天休震動用附我大邑周惟爾
有神尚克相予以濟兆民無作神羞既戊午
師渡孟津癸亥陣于商郊俟天休命甲子昧

哉生明哉始也始
 生明月三時也
 豐文王舊都也
 桃林今華陰縣潼
 關也
 生魄望後也
 公劉后稷之曾孫
 休命勝商之命也
 商容商之賢人
 閭族居里門也
 列爵惟五公侯伯
 子男也
 分土惟三公侯百
 里伯七十里子男
 五十里之三等也
 五教君臣父子夫
 婦兄弟長幼五典
 之教也

爽受率其旅若林會于牧野罔有敵于我師
 前徒倒戈攻于後以北血流漂杵一戎衣天
 下大定乃反商政政由舊釋箕子囚封比于
 墓式商容間散鹿臺之財發鉅橋之粟大賚
 于四海而萬姓悅服列爵惟五分土惟三建
 官惟賢位事惟能重民五教惟食喪祭惇信
 明義崇德報功垂拱而天下治

今考定武成

惟一月壬辰旁死魄越翼日癸巳王朝步自
 周于征伐商底商之罪吉于皇天后土所過

名山大川曰惟有道曾孫周王發將有大正
 于商今商王受無道暴殄天物害虐烝民為
 天下逋逃主萃淵藪予小子既獲仁人敢祇
 承上帝以遏亂略華夏蠻貊罔不率俾惟爾
 有神尚克相予以濟兆民無作神羞既戊午
 師逾孟津癸亥陣于商郊侯天休命甲子昧
 爽受率其旅若林會于牧野罔有敵于我師
 前徒倒戈攻于後以北血流漂杵一戎衣天
 下大定乃反商政政由舊釋箕子囚封比于
 墓式商容間散鹿臺之財發鉅橋之粟大賚

于四海而萬姓悅服厥四月哉生明王來自
商至于豐乃偃武修文歸馬于華山之陽放
牛于桃林之野示天下弗服既生魄庶邦冢
君暨百工受命于周丁未祀于周廟邦甸侯
衛駿奔走執豆邊越三日庚戌柴望大告武
成王若曰嗚呼羣后惟先王建邦啓土公劉
克篤前烈至于太王肇基王迹王季其勤王
家我文考文王克成厥勳誕膺天命以撫方
夏大邦畏其力小邦懷其德惟九年大統未
集予小子其承厥志恭天成命肆予東征綏

厥士女惟其士女篚厥玄黃昭我周王夫休
震動用附我大邑周列爵惟五分土惟三建
官惟賢位事惟能重民五教惟食喪祭惇信
明義崇德報功垂拱而天下治

洪範

洪範前漢書五行
志曰禹治洪水錫
洛書法而陳之洪
範是也
乃言者難辭重其
問也
乃言者重其答也

惟十有三祀王訪于箕子王乃言曰嗚呼箕
子惟天陰隲下民相協厥居我不知其彝倫
攸敘箕子乃言曰我聞在昔鯀陞洪水汨陳
其五行帝乃震怒不畀洪範九疇彝倫攸敘
鯀則殛死禹乃嗣興天乃錫禹洪範九疇彝

潤下者潤而又下也
炎上者炎而又上也
曲直者曲而又直也
從革者從而又革也
稼穡者稼而又穡也
貌澤水也
言揚火也
視散木也
聽收金也

倫攸敘○初一日五行次二曰敬用五事次
三曰農用八政次四曰協用五紀次五曰建
用皇極次六曰乂用三德次七曰明用稽疑
次八曰念用庶徵次九曰嚮用五福威用六
極○一五行二曰水三曰火四曰木四曰金
五曰土水曰潤下火曰炎上木曰曲直金曰
從革土爰稼穡潤下作鹹炎上作苦曲直作
酸從革作辛稼穡作甘○二五事一曰貌二
曰言三曰視四曰聽五曰思貌曰恭言曰從
視曰明聽曰聰思曰睿恭作肅從作乂明作

思通土也
司空掌土所以安
其居也
司徒掌教所以成
其性也
司寇掌禁所以治
其姦也
歲者序四時也
月者定晦朔也
日者止遷度也
星經星緯星也
辰日月所會十二
次也
滯朋邪黨也
比德私相比附也
箴獨庶民之至微
者也
高明有位之尊微
者也

哲聰作謀睿作聖○三八政一曰食二曰貨
三曰祀四曰司空五曰司徒六曰司寇七曰
賓八曰師○四五紀一曰歲二曰月三曰日
四曰星辰五曰曆數○五皇極皇建其有極
斂時五福用敷錫厥庶民惟時厥庶民于汝
極錫汝保極凡厥庶民無有淫朋人無有比
德惟皇作極凡厥庶民有猷有為有守汝則
念之不協于極不罹于咎皇則受之而康而
色曰予攸好德汝則錫之福時人斯其惟皇
之極無虐筭獨而畏高明人之有能有為使

蕩蕩廣遠也
平平平易也
曰起語辭也

光者道德之光華也

光者道德之光華也

羞其行而邦其昌。凡厥正人，既富方穀。汝弗能，使有好于而家。時人斯其辜，于其無好德。汝雖錫之福，其作汝用咎。無偏無陂，遵王之義，無有作好，遵王之道。無有作惡，遵王之路。無偏無黨，王道蕩蕩。無黨無偏，王道平平。無反無側，王道正直。會其有極，歸其有極。曰：皇極之敷言，是訓是行，以近天子之光。曰：天子作民父母，以為天下王。○六三德：一曰正直，二曰剛克，三曰柔克，平康正直。彊弗友，剛克。克

高明者高光明矣，過乎中者也

下筮龜曰下者曰筮

筮

貞悔內卦為貞外

卦為悔

凡七兩齋蒙釋克

貞悔也

下五兩齋蒙釋

克

占三貞悔也

友柔克沉潛剛克。高明柔克，惟辟作福，惟辟作威，惟辟玉食。臣無有作福，作威，玉食。臣之有作福，作威，玉食，其害于而家，凶于而國。人用側頗僻，民用僭忒。○七稽疑：擇建立卜筮，人乃命。卜筮曰：雨，曰：霽，曰：蒙，曰：肆，曰：克，曰：貞。曰：悔。凡七。卜五，占用二，衍忒。立時人作卜筮，三人占，則從二人之言。汝則有大疑，謀及乃心，謀及卿士，謀及庶人，謀及卜筮。汝則從龜，從筮，從卿士，從庶民，從。是之謂大同。身其康彊，子孫其逢吉。汝則從龜，從筮，從卿士，逆庶

徵驗也所驗者非
一故謂之庶徵

極備過多也
極無過少也

歲月日以尊卑為
徵也王者之失得

民逆吉卿士從龜從筮從汝則逆庶民逆吉

庶民從龜從筮從汝則逆卿士逆吉汝則從

龜從筮逆卿士逆庶民逆作內吉作外凶龜

筮共違于人用靜吉用作凶○八庶徵曰雨

曰暘曰燠曰寒曰風曰時五者來備各以其

敘庶草蕃廡一極備凶一極無凶曰休徵曰

肅時雨若曰乂時暘若曰哲時燠若曰謀時

寒若曰聖時風若曰咎徵曰狂恒雨若曰僭

恒暘若曰豫恒燠若曰急恒寒若曰蒙恒風

若曰王省惟歲卿士惟月師尹惟日歲月日

時無易百穀用成又用明俊民用章家用平

康日月歲時既易百穀用不成又用昏不明

俊民用微家用不寧庶民惟星星有好風星

有好雨日月之行則有冬有夏月之從星則

以風雨○九五福一曰壽二曰富三曰康寧

四曰攸好德五曰考終命六極一曰凶短折

二曰疾三曰憂四曰貧五曰惡六曰弱

旅葵

惟克商遂通道于九夷八蠻西旅底貢厥葵

太保乃作旅葵用訓于王曰嗚呼明王慎德

其徵以歲卿士之
失得其徵以月師
尹之失得其徵以
日也

星有好風星有好
雨好風者美星好
雨者畢星也

箕畢二星圖

箕宿

畢宿

康寧者無患難也

攸好德者樂其道

也

考終命者慎其

正也

短折者橫夭也

旅葵西旅貢葵

公以為非所宜受
作書以戒武王亦

訓禮也。因以...
名篇

西...
名

國...
名

按...
名

心...
名

天...
名

無...
名

異...
名

無益遊觀為無益
異物奇巧為異物

四夷咸賓無有遠邇畢獻方物惟服食器用
王乃昭德之致于異姓之邦無替厥服分寶
玉于伯叔之國時庸展親人不易物惟德其
物德盛不狎侮狎侮君子罔以盡人心狎侮
小人罔以盡其力不役耳目百度惟貞玩人
喪德玩物喪志志以道寧言以道接不作無
益害有益功乃成不貴異物賤用物民乃足
犬馬非其土性不畜珍禽奇獸不育于國不
寶遠物則遠人格所寶惟賢則邇人安嗚呼
夙夜罔或不勤不矜細行終累大德為山九

金勝武王有疾用
公以王室未安殷

民未服根本易
故謂命三王欲以

身代武王之死史
錄其冊祝之文并

叙其事之始末合
為一篇以其載於

金勝之匱編書者
因以金勝名篇

帝...
不悅豫也

三公太公召公也
穆下猶言共上也

元孫某武王也
丕子元子也

且周公名也

功虧一簣允迪茲生民保厥居惟乃世王

金勝

既克商二年王有疾弗豫二公曰我其為王

穆下周公曰未可以戚我先王公乃自以為

功為三壇同墀為壇於南方北面周公立焉

植璧秉珪乃告太王王季文王史乃冊祝曰

惟爾元孫某遘厲虐疾若爾三王是有丕子

之責于天以且代某之身予仁若考能多材

多藝能事鬼神乃元孫不若且多材多藝不

能事鬼神乃命于帝庭敷佑四方用能定爾

寶命即帝庭之命也謂之寶者重其事也

侯爾命侯武王之實也

圖兆之體也

翼日公歸之明日也

管叔名鮮武王弟周公兄也

群弟蔡叔度霍叔處也居東居國之東也

子孫于下地四方之民罔不祇畏嗚呼無墜

天之降寶命我先生亦未有依歸今我即命

于元龜爾之許我我其以璧與珪歸侯爾命

爾不許我我乃屏璧與珪乃卜三龜一習吉

啓籒見書乃并是吉公曰體王其罔害予小

子新命于三王惟永終是圖茲攸侯能念予

一人公歸乃納冊于金滕之匱中王翼日乃

瘳○武王既喪管叔及其羣弟乃流言於國

曰公將不利於孺子周公乃告二公曰我之

弗辟我無以告我先王周公居東二年則罪

鴟鴞惡鳥也

鴟鴞圖



新當作親

人斯得于後公乃為詩以貽王名之曰鴟鴞

王亦未敢誚公○秋大孰未獲天大雷電以

風禾盡偃大木斯拔邦人大恐王與大夫盡

弁以啓金滕之書乃得周公所自以為功代

武王之說二公及王乃問諸史與百執事對

曰信噫公命我勿敢言王執書以泣曰其勿

穆卜昔公勤勞王家惟予沖人弗及知今天

動威以彰周公之德惟朕小子其新逆我國

家禮亦宜之王出郊天乃雨反風禾則盡起

二公命邦人凡大木所偃盡起而築之歲則

大熱

大誥

大誥篇首有大誥二字編書者因以名篇

冲人成王也

王若曰。猷。大誥爾多邦。越爾御事。弗弔。天降割于我家。不少延。洪惟我幼冲人。嗣無疆大歷服。弗造哲迪。民康矧曰。其有能格。知天命。已。予惟小子。若涉淵水。予惟往求朕攸濟。敷實敷前人受命。茲不忘大功。予不敢閑于天降威用。寧王遺我大寶龜。紹天明。卽命曰。有大艱于西土。西土人亦不靜。越茲蠢殷。小腆誕敢紀其敘。天降威。知我國有疵。民不康。曰。

寧王武王也

印我也

予復反鄙我周邦。今蠢今翼日。民獻有十夫。予翼以于救寧武。圖功。我有大事。休朕。卜。并吉。肆予告我友邦君。越尹氏庶士御事。曰。予得吉。卜。予惟以爾庶邦于伐殷。逋播臣。爾庶邦君。越庶士御事。罔不友。曰。艱大。民不靜。亦惟在王官。邦君室。越予小子。考翼不可征。王害不違。卜。肆予冲人。永思艱。曰。嗚呼。允蠢鯨寡哀哉。予造天役。遺大投艱于朕身。越予冲人。不印。自恤。義爾邦君。越爾多士。尹氏御事。綏予曰。無恟于恤。不可不成。乃寧考圖功。已。

五經圖解

也圖者不聞而不道

也國者艱難而不勤

也圖前口也

予惟小子。不敢替上帝命。天休于寧王。與我
小邦周寧王。惟上用。克綏受茲命。今天其相
民。矧亦惟上用。嗚呼。天明畏。弼我不丕。基王
曰。爾惟舊人。爾丕克遠省。爾知寧王若勤哉。
天闕。愆我成功。所予不敢不極。卒寧王圖事。
肆予大化。誘我友邦君。天棐忱辭。其考我民。
予曷其不于前寧人。圖功。俶終。天亦惟用。勤
愆我民。若有疾。予曷敢不于前寧人。攸受休
畢。王曰。若昔。朕其逝。朕言難日。思若考。作室
既底法。厥子乃弗肯堂。矧肯構。厥父菑。厥子

也民養蘇氏曰養所
養也謂人之臣僕

也越天棐忱天命已
歸之詞也

乃弗肯播。矧肯獲。厥考翼其旨。曰。予有後弗
棄。基肆予曷敢不越。卬救寧王。天命若兄考
乃有友伐。厥子。民養其勸。弗救。王曰。嗚呼。肆
哉。爾庶邦君。越爾御事。喪邦由哲。亦惟十人
迪知上帝命。越天棐忱。爾時罔敢易法。矧今
天降戾于周邦。惟大艱人。誕鄰胥伐于厥室。
爾亦不知天命。不易。予求念曰。天惟喪殷。若
稽夫。予曷敢不終朕敬。天亦惟休于前寧人。
予曷其極。卜敢弗于從。率寧人有指疆土。矧
今卜并吉。肆朕誕以爾東征。天命不僭。卜陳

微子之命 微國名
子爵也 史錄其誥
命以為此篇

元子 長子也

微子 帝乙之長子
紂之庶兄也

東夏 東在東故
曰東夏

服命 上公服命也

惟若茲

微子之命

王若曰。猷殷王元子。惟稽古宗德象賢統承
先王修其禮物作賓于王家與國咸休未世
無窮嗚呼乃祖成湯克齊聖廣淵皇天眷佑
誕受厥命撫民以寬除其邪虐功加于時德
垂後裔爾惟踐修厥猷舊有令聞恪慎克孝
肅恭神人予嘉乃德曰篤不忘上帝時歆下
民祗協庸建爾于上公尹茲東夏欽哉往敷
乃訓慎乃服命率由典常以蕃王室弘乃烈

祖律乃有民末綏厥位毗予一人世世享德
萬邦作式俾我有周無斃嗚呼往哉惟休無
替朕命

康誥

惟三月哉生魄周公初基作新大邑于東國
洛四方民大和會侯甸男邦采衛百工播民
和見士于周周公咸勤乃洪大誥治王若曰
孟侯朕其翁小子封惟乃丕顯考文王克明
德慎罰不敢侮鰥寡庸庸祗祗威威顯民用
肇造我區夏越我一二邦以修我西土惟時

孟侯 孟長也言為
諸侯之長也
劉康叔名也

百工 百官也

武王也

哉生魄 十六日也

三月 周公攝政七

年之三月也

誥命 為衛侯

康誥 康叔文王之

子武王之弟武王

禮戎殷吳氏曰禮
戎殷武王之事也
此稱文王者武王
不敢以為己之功
也

怙冒聞于上帝帝休天乃大命文王禮戎殷
誕受厥命越厥邦厥民惟時敘乃寡兒助肆
汝小子封在茲東土王曰嗚呼封汝念哉今
民將在祗通乃文考紹聞衣德言往敷求于
殷先哲王用保乂民汝丕遠惟商耆成人宅
心知訓別求聞由古先哲王用康保民弘于
天若德裕乃身不廢在王命王曰嗚呼小子
封惻瘻乃身敬哉天畏棗忱民情大可見小
人難保往盡乃心無康好逸豫乃其乂民我
聞曰怨不在大亦不在小惠不惠懋不懋已

有叙者刑罰有次
序也

刑殺刑之大者
劓刑刑之小者兼
舉小大以申戒之
也
外事有司之事也
旬十日也

汝惟小子乃服惟弘王應保殷民亦惟助王
宅天命作新民王曰嗚呼封敬明乃罰人有
小罪非胥乃惟終自作不典式爾有厥罪小
乃不可不殺乃有大罪非終乃惟胥災適爾
既道極厥辜時乃不可殺王曰嗚呼封有敘
時乃大明服惟民其勅懋和若有疾惟民其
畢棄咎若保赤子惟民其康乂非汝封刑人
殺人無或刑人殺人非汝封又曰劓刑人無
或劓刑人王曰外事汝陳時臬司師茲殷罰
有倫又曰要囚服念五六日至于旬時不蔽

時三月也

小子幼少之稱也

天顯猶孝經所謂
天明尊卑顯然之
序也

要囚。王曰。汝陳時臬事。罰蔽殷彝。用其義刑。
 義殺。勿庸以次。汝封。乃汝盡遜。曰時敘。惟曰。
 未有遜事。已汝惟小子。未其有若汝封之心。
 朕心朕德。惟乃知。凡民自得罪。寇攘姦宄。殺
 越人于貨。暨不畏死。罔弗懲。王曰。封元惡大
 憝。矧惟不孝不友。子弗祗服厥父事。大傷厥
 考心。于父不能字厥子。乃疾厥子。于弟弗念
 天顯。乃弗克恭厥兄。兄亦不念鞠子哀。大不
 友于弟。惟弔茲不于我政人得罪。天惟與我
 民彝。大泯亂。曰乃其速由文王作罰。刑茲無

君長指康叔而言也

作求等也詩曰
世德作求

赦。不率大曼。矧惟外庶。子訓人。惟厥正人。越
 小臣諸節。乃別播敷造民。大譽弗念。弗庸。深
 厥君時。乃引惡。惟朕憝。已汝乃其速由茲義
 率殺。亦惟君惟長。不能厥家人。越厥小臣外
 正。惟威惟虐。大放王命。乃非德用。又汝亦罔
 不克敬。典乃由裕民。惟文王之敬忌。乃裕民
 曰。我惟有及。則予一人以懌。王曰。封爽惟民
 迪吉。康我時。其惟殷先哲王德用。康乂民作
 求。矧今民罔迪。不適不迪。則罔政在厥邦。王
 曰。封予惟不可不監。告汝德之說于罰之行。

酒誥商受釐酒天下化之妹土商之都邑其源惠尤甚武王以其地封康叔故作書誥教之云

今惟民不靜未戾厥心迪屢柔同爽惟天其罰殛我我其不怨惟厥罪無在大亦無在多矧曰其尚顯聞于天王曰嗚呼封敬哉無作怨勿用非謀非彝蔽時忱丕則敏德用康乃心顧乃德遠乃猷裕乃以民寧不汝瑕殄王曰嗚呼肆汝小子封惟命不于常汝念哉無我殄享明乃服命高乃聽用康乂民王若曰往哉封勿替敬典聽朕告汝乃以殷民世享

酒誥

王若曰明大命于妹邦乃穆考文王肇國在

妹邦即詩所謂沫

有正有官守者也
有事有職業者也

伯長也
君子曰君子者賢

西土厥誥恣庶邦庶士越少正御事朝夕曰祀茲酒惟天降命肇我民惟元祀天降威我民用大亂喪德亦罔非酒惟行越小大邦用喪亦罔非酒惟辜文王誥教小子有正有事無彝酒越庶國飲惟祀德將無醉惟曰我民迪小子惟土物愛厥心臧聰聽祖考之彝訓越小大德小子惟一妹土嗣爾股肱純其藝黍稷奔走事厥考厥長肇牽車牛遠服賈用孝養厥父母厥父母慶自洗腆致用酒庶士有正越庶伯君子其爾典聽朕教爾大克羞

五經

卷下

七

山內藏

之也
用逸者用以享樂也

殷先哲王湯也

迪畏者畏之而見於行也

者惟君爾乃飲食醉飽不惟曰爾克求觀省
作稽中德爾尚克羞饋祀爾乃自介用逸茲
乃允惟王正事之臣茲亦惟天若元德永不
忘在王家王曰封我西土棗祖邦君御事小
子尚克用文王教不腆于酒故我至于今克
受殷之命王曰封我聞惟曰在昔殷先哲王
迪畏天顯小民經德秉哲自成湯咸至于帝
乙成王畏相惟御事厥裴有恭不敢自暇自
逸矧曰其敢崇飲越在外服侯甸男衛邦伯
越在內服百僚庶尹惟亞惟服宗工越百姓

尹人者百官諸侯
之長也
後嗣王受也

惟民者猶曰先民也

里居罔敢湏于酒不惟不敢亦不暇惟助成
王德顯越尹人祗辟我聞亦惟曰在今後嗣
王黜身厥命罔顯于民祗保越怨不易誕惟
厥縱淫泆于非彝用燕喪威儀民罔不盡傷
心惟荒腆于酒不惟自息乃逸厥心疾狠不
克畏死辜在商邑越殷國滅無懼弗惟德馨
香祀登聞于天誕惟民怨庶羣自酒腥聞在
上故天降喪于殷罔愛于殷惟逸天非虐惟
民自速辜王曰封予不惟若茲多誥古人有
言曰人無於水監當於民監今惟殷墜厥命

圻父政官司馬也
主封圻

農父教官司徒也

主農

宏父夏官司空也

主廓地居民

君飲者商民羣聚

而飲為姦惡者也

有者不忘之也

乃司有司也

梓材亦武王誥

叔之書而篇中有

梓材二字因以為

篇目

我其可不大監撫于時予惟曰汝劼恣殷獻

臣侯甸男衛矧太史友內史友越獻臣百宗

工矧惟爾事服休服采矧惟若疇圻父薄違

農父若保宏父定辟矧汝剛制于酒厥或誥

曰羣飲汝勿佚盡執拘以歸于周予其殺又

惟殷之迪諸臣惟工乃酒于酒勿庸殺之姑

惟教之有斯明享乃不用我教辭惟我一人

弗恤弗獨乃事時同于殺王曰封汝典聽朕

恣勿辯乃司民酒于酒

梓材

天家巨室也孔氏

曰卿大夫及都家

也

師師以管師為師

也

尹正官之長

厥衷大夫也

戰敗者毀傷四肢

面目也

監三監之監康叔

所封亦畿內之民

當時亦謂之監

敷舊廣去革棘也

獸通水渠也

艘采色之名

先王文王武王也

也

方來者方方而來

也

德用明德也

和澤和悅也

王曰封以厥庶民暨厥臣達大家以厥臣達

王惟邦君汝若恒越曰我有師師司徒司馬

司空尹旅曰予罔厲殺人亦厥君先敬勞肆

徂厥敬勞肆往茲究殺人歷人宥肆亦見厥

君事戕敗人宥王啓監厥亂為民曰無胥戕

無胥虐至于敬寡至于屬婦合由以容王其

效邦君越御事厥命曷以引養引恬自古王

若茲監罔攸辟惟曰若籍田既勤敷舊惟其

陳修為厥疆畎若作室家既勤垣墉惟其塗

墜茨若作梓材既勤樸斲惟其塗丹艘今王

迷民迷惑涼恩之民也

召諸營周居于洛邑者武王之志周公成王成之召公實先經理之各邑既成成王始政召公因用公之歸作書致告達之於王以召公之書因以召諸名篇

既望十六日也乙未二十一日也周錫京也去豐二十五里文武廟在焉

惟曰先王既勤用明德懷為來庶邦享作兄弟方來亦既用明德后式典集庶邦丕享皇天既付中國民越厥疆土于先王肆王惟德用和懌先後迷民用懌先王受命已若茲監惟曰欲至于萬年惟王子子孫孫永保民

召誥

邦伯王氏曰侯甸男服之邦伯也

位于洛汭越五日甲寅位成若翼日乙卯周公朝至于洛則達觀于新邑營越三日丁巳用牲于郊牛二越翼日戊午乃社于新邑牛一羊一豕一越七日甲子周公乃朝用書命庶殷侯甸男邦伯厥既命殷庶庶殷丕作太保乃以庶邦冢君出取幣乃復入錫周公曰拜手稽首旅王若公誥告庶殷越自乃御事嗚呼皇天上帝改厥元子茲大國殷之命惟王受命無疆惟休亦無疆惟恤嗚呼曷其奈何弗敬天既遐終大邦殷之命茲殷多先哲

後王後民指受也

從子保者從其子而保之謂尚德之子也

其者期之辭也

土中浴邑天地之中故謂之土中

成命者天之成命也

所處所也猶所其無逸之所

王在天越厥後王後民茲服厥命厥終智藏
 瘵在夫知保抱攜持厥婦子以哀籲天徂厥
 亡出執嗚呼天亦哀于四方民其眷命用懋
 王其疾敬德相古先民有夏天迪從子保面
 稽天若今時既墜厥命今相有殷天迪格保
 面稽天若今時既墜厥命今冲子嗣則無遺
 壽者曰其稽我古人之德矧曰其有能稽謀
 自天嗚呼有王雖小元子哉其不能誠于小
 民今休王不敢後用顧畏于民畧王來紹上
 帝自服于土中且曰其作大邑其自時配皇

天愍祀于上下其自時中乂王厥有成命治
 民今休王先服殷御事比介于我有周御事
 節性惟日其邁王敬作所不可不敬德我不
 可不監于有夏亦不可不監于有殷我不敢
 知曰有夏服天命惟有歷年我不敢知曰不
 其延惟不敬厥德乃早墜厥命我不敢知曰
 有殷受天命惟有歷年我不敢知曰不其延
 惟不敬厥德乃早墜厥命今王嗣受厥命我
 亦惟茲二國命嗣若功王乃初服嗚呼若生
 子罔不在厥初生自貽哲命今天其命哲命

宅新邑所謂初服也

元首也其亦期之辭也

離民殷之頑民與三監叛者也

百君子殷之御事廢士也

友民周之友順民也

洛誥洛邑既定周公遣使告史氏錄之以為洛誥

吉凶命歷年知今我初服宅新邑肆惟王其

疾敬德王其德之用祈天求命其惟王勿以

小民淫用非彝亦敢殄戮用乂民若有功其

惟王位在德元小民乃惟刑用于天下越王

顯上下勤恤其曰我受天命不若有夏歷年

式勿替有殷歷年欲王以小民受天求命拜

手稽首曰予小臣敢以王之鱗鱗民百君子越

友民保受王威命明德王末有成命王亦顯

我非敢勤惟恭奉幣用供王能祈天求命

洛誥

明辟明君也指成王

基命定命基命所以成始定命所以成終也

東土洛邑在鎬京東故曰東土

乙卯取召詔之乙卯也

河朔黎水河北黎水交流之內也

澗水東瀍水西王城也

周公拜手稽首曰朕復子明辟王如弗敢及

天基命定命予乃能保大相東土其基作民

明辟予惟乙卯朝至于洛師我上河朔黎水

我乃上澗水東瀍水西惟洛食我又上瀍水

東亦惟洛食佯來以圖及獻上王拜手稽首

曰公不敢不敬天之休來相宅其作周匹休

公既定宅佯來來視予上休休吉我二人共

貞公其以予萬億年敬天之休拜手稽首誨

言周公曰王肇稱殷禮祀于新邑咸秩無文

予齊百士佯從王于周予惟曰庶有事今王

功宗功之尊顯者也
功載者記功之載籍也

孺子推子也
百辟諸侯也
正父武王也

即命曰記功宗以功作元祀惟命曰汝受命
篤弼不視功載乃汝其悉自教工孺子其朋
孺子其朋其往無若火始燄燄厥攸灼叙弗
其絕厥若彝及撫事如予惟以在周工往新
邑伾嚮即有僚明作有功惇大成裕汝未有
辭公曰已汝惟冲子惟終汝其敬識百辟享
亦識其有不享享多儀儀不及物惟曰不享
惟不役志于享凡民惟曰不享惟事其爽侮
乃惟孺子頌朕不暇聽朕教汝于棗民彝汝
乃是不獲乃時惟不永哉篤敘乃正父罔不

居師者宅其衆也
宗功宗之宗也

穆穆和敬也

宗禮即功宗之禮

定尔雅曰定止也

若予不敢廢乃命汝往敬哉茲予其明農哉
彼裕我民無遠用戾王若曰公明保予冲子
公稱丕顯德以予小子揚文武烈奉答天命
和恒四方民居師惇宗將禮稱秩元祀咸秩
無文惟公德明光于上下勤施于四方旁作
穆穆迓衡不迷文武勤教予冲子夙夜庶祀
王曰公功棗迪篤罔不若時王曰公予小子
其退即辟于周命公後四方迪亂未定于宗
禮亦未克教公功迪將其後監我士師工誡
保文武受民亂為四輔王曰公定予往已公

秉持也

降格與名刑降格同

甸治也

後嗣王討也

爾多士非我小國敢弋殷命惟天不畀允罔
 固亂弼我我其敢求位惟帝不畀惟我下民
 秉為惟天明畏我聞曰上帝引逸有夏不適
 逸則惟帝降格嚮于時夏弗克庸帝大淫泆
 有辭惟時天罔念聞厥惟廢元命降致罰乃
 命爾先祖成湯革夏俊民甸四方自成湯至
 于帝乙罔不明德恤祀亦惟天丕建保乂有
 殷殷王亦罔敢失帝罔不配天其澤在今後
 嗣王誕罔顯于天矧曰其有聽念于先王勤
 家誕淫厥泆罔顧于天顯民祗惟時上帝不

大喪者國亡而身戮也

靈善也

保降若茲大喪惟天不畀不明厥德凡四方
 小大邦喪罔非有辭于罰王若曰爾殷多士
 今惟我周王不靈承帝事有命曰割殷告勅
 于帝惟我事不貳適惟爾王家我適予其曰
 惟爾洪無度我不爾動自乃邑予亦念天即
 于殷大戾肆不正王曰猷告爾多士予惟時
 其遷居西爾非我一人奉德不康寧時惟天
 命無違朕不敢有後無我怨惟爾知惟殷先
 人有冊有典殷革夏命今爾其曰夏迪簡在
 王庭有服在百僚予一人惟聽用德肆予敢

降猶今法降也

求爾于天邑商予惟率肆矜爾非予罪時惟
天命王曰多士昔朕來自奄予大降爾四國
民命我乃明致天罰移爾遐逝比事臣我宗
多遜王曰告爾殷多士今予惟不爾殺予惟
時命有申今朕作大邑于茲洛予惟四方罔
攸實亦惟爾多士攸服奔走臣我多遜爾乃
尚有爾士爾乃尚寧幹止爾克敬天惟界矜
爾爾不克敬爾不啻不有爾士予亦致天之
罰于爾躬今爾惟時宅爾邑繼爾居爾厥有
幹有年于茲洛爾小子乃興從爾遷王曰又

邑四弄為邑之邑

曰時予乃或言爾攸居

無逸

無逸逸者人君之大戒自古有國家者未有不以勤而興以逸而廢也周王初政周公懼其知逸而不知無逸也故作是書以訓之亦訓體也所猶處所也

中宗自殷湯王七代帝名太戊雍已弟也

高宗武丁也

周公曰嗚呼君子所其無逸先知稼穡之艱難乃逸則知小人之依相小人厥父母勤勞稼穡厥子乃不知稼穡之艱難乃逸乃諺既誕否則侮厥父母曰昔之人無聞知周公曰嗚呼我聞曰昔在殷王中宗嚴恭寅畏天命自度治民祗懼不敢荒寧肆中宗之享國七十有五年其在高宗時舊勞于外爰暨小人之作其即位乃或亮陰三年不言其惟不言言

嘉靖者禮樂教化蔚然於安居樂業之中也

祖甲史記高宗崩子祖庚立祖庚崩弟祖甲立則祖甲高宗之子祖庚之弟也

耽過樂謂之耽甲服猶尚所謂思衣服也

康功安民之功

田功養民之功

乃雍不敢荒寧嘉靖殷邦至于小大無時或怨肆高宗之享國五十有九年其在祖甲不義惟王舊為小人作其即位爰知小人之依能保惠于庶民不敢侮鰥寡肆祖甲之享國三十有三年自時厥後立王生則逸生則逸不知稼穡之艱難不聞小人之勞惟耽樂之從自時厥後亦罔或克壽或十年或七八年或五六年或四三年周公曰嗚呼厥亦惟我周太王王季克自抑畏文王卑服即康功田功徽柔懿恭懷保小民惠鮮鰥寡自朝至于

是日朕也中身孔氏曰文王九十七而終即位時年四十七高其身舉全數也其指文王而言

保惠者保養而將順之非特誠告而已也
讒行左切
正刑正法也

口中是不遑暇食用咸和萬民文王不敢盤于遊田以庶邦惟正之供文王受命惟中身厥享國五十年周公曰嗚呼繼自今嗣王則其無淫于觀于逸于遊于田以萬民惟正之供無皇曰今日耽樂乃非民攸訓非天攸若時人不則有愆無若殷王受之迷亂酗于酒德哉周公曰嗚呼我聞曰古之人猶胥訓告胥保惠胥教誨民無或胥譴張為幻此厥不聽人乃訓之乃變亂先王之正刑至于小大民否則厥心違怨否則厥口詛祝周公曰嗚

聖言也

茲者指上文而言也

君誦君公先老而去周公留之史氏錄其告語為篇亦謂籠也以周公首呼君爽因以君爽名篇

君爽君者專之之稱爽召公名也

呼自殷王中宗及高宗及祖甲及我周文王
茲四人迪哲厥或告之曰小人怨汝嗇汝則
皇自敬德厥愆曰朕之愆允若時不啻不敢
含怒此厥不聽人乃或請張為幻曰小人怨
汝嗇汝則信之則若時不永念厥辟不寬綽
厥心亂罰無罪殺無辜怨有同是叢于厥身
周公曰嗚呼嗣王其監于茲

君爽

周公若曰君爽弗弔天降喪于殷殷既墜厥
命我有周既受我不敢知曰厥基永孚于休

不祥者休之反也

天命不易猶謂曰命不易哉命不易係也

小子自謙之辭也

又曰者以上文言天命不易天難謀此又申言天不可信故曰又曰也

保衡即伊尹也大戊大甲之孫伊陟伊尹之子

若天棗忱我亦不敢知曰其終出于不祥嗚
呼君已曰時我我亦不敢寧于上帝命弗永
遠念天威越我民罔尤違惟人在我後嗣子
孫大弗克恭上下遏佚前人光在家不知天
命不易天難謀乃其墜命弗克經歷嗣前人
恭明德在今予小子且非克有正迪惟前人
光施于我冲子又曰天不可信我道惟寧王
德延天不庸釋于文王受命公曰君爽我聞
在昔成湯既受命時則有若伊尹格于皇天
在太甲時則有若保衡在太戊時則有若伊

臣扈與湯時臣扈二人而同名者也
巫咸巫氏咸名也
祖乙太戊之孫也
巫賢巫咸之子也
武丁高宗也
甘盤見說命

號叔文王弟

陟臣扈格于上帝巫咸又王家在祖乙時則有若巫賢在武丁時則有若甘盤率惟茲有陳保又有殷故殷禮陟配天多歷年所天惟純佑命則商實百姓王人罔不秉德明恤小臣屏侯甸糾咸奔走惟茲惟德稱用又厥辟故一人有事于四方若上筮罔不是孚公曰君喪天壽平格保又有殷有殷嗣天滅威今汝永念則有固命厥亂明我新造邦公曰君喪在昔上帝劓申勸靈主之德其集大命于厥躬惟文王尚克修和我有夏亦惟有若號

闕大闕氏大名

散宜生散氏宜生名也

泰顛泰氏顛名

南宮括南宮氏括名也

四人號叔先死故曰四人

也

小子且自謙之称

也

小子成王也

也

茲指上文所言

叔有若闕大有若散宜生有若泰顛有若南宮括又曰無能往來茲迪彝教文王茂德降于國人亦惟純佑秉德迪知天威乃惟時昭文王迪見冒聞于上帝惟時受有殷命哉武王惟茲四人尚迪有祿後暨武王誕將天威咸劉厥敵惟茲四人昭武王惟冒丕單稱德今在予小子且若游大川予往暨汝奭其濟小子同未有位誕無我責收罔助不及者造德不降我則鳴鳥不聞矧曰其有能格公曰嗚呼君肆其監于茲我受命無疆惟休亦大

偶配也

大否大乱也

戲勝也戲堪古通用

出且周都西去東為遠故以日出言

惟艱告君乃猷裕我不以後人迷公曰前人
敷乃心乃悉命汝作汝民極曰汝明且偶王
在曾乘茲大命惟文王德丕承無疆之恤公
曰君告汝朕允保實其汝克敬以予監于殷
喪大否肆念我天威予不允惟若茲誥予惟
曰襄我二人汝有合哉言曰在時二人天休
滋至惟時二人弗戲其汝克敬德明我俊民
在讓後人于丕時嗚呼篤棗時二人我式克
至于今日休我咸成文王功于不怠丕冒海
隅出日罔不率俾公曰君予不惠若茲多誥

蔡仲之命蔡國名仲字蔡叔之子也叔沒周公以仲既命諸成王復封之蔡此其誥命之詞也

管國名

郭鄰孔氏曰中國之外地名蘇氏曰郭說也用禮六逆五家為鄰

霍國名胡仲名

敬哉者欲其無失此心

蔡仲之命

予惟用閔于天越民公曰嗚呼君惟乃知民
德亦罔不能厥初惟其終祇若茲往敬用治
惟周公位冢宰正百工羣叔流言乃致辟管
叔于商囚蔡叔于郭鄰以車七乘降霍叔于
庶人三年不齒蔡仲克庸祇德周公以為卿
士叔卒乃命諸王邦之蔡王若曰小子胡惟
爾率德改行克慎厥猷肆予命爾侯于東土
往卽乃封敬哉爾尚蓋前人之愆惟忠惟孝
爾乃邁述自身克勤無怠以垂憲乃後率乃

窮困之極也
中者心之理而無
過不及之極者也
謂先王之法

厥度者吾身之法
度

多方成王即政者
與淮夷又叛成王
滅奄歸作此篇
當時扇札不特殷
人如徐戎淮夷四
方容或有之故及
多方亦諸體也
五月丁亥成王即
政之明年也
奄杜預云奄不知
所在

周公曰王若曰
呂氏曰先王若曰
而後曰王若曰
也明周公傳王命
而非周公之命也

義民賢者也

祖文王之彝訓無若爾考之違王命皇天無
親惟德是輔民心無常惟惠之懷為善不同
同歸于治為惡不同同歸于亂爾其戒哉慎
厥初惟厥終終以不困不惟厥終終以困窮
懋乃攸績睦乃四鄰以蕃王室以和兄弟康
濟小民率自中無作聰明亂舊章詳乃視聽
罔以側言改厥度則予一人汝嘉王曰嗚呼
小子胡汝往哉無荒棄朕命

多方

惟五月丁亥王來自奄至于宗周周公曰王

若曰猷告爾四國多方惟爾殷侯尹民我惟
大降爾命爾罔不知洪惟圖天之命弗永寅
念于祀惟帝降格于夏有夏誕厥逸不肯感
言于民乃大淫昏不克終日勸于帝之迪乃
爾攸聞厥圖帝之命不克開于民之麗乃大
降罰崇亂有夏因甲于內亂不克靈承于旅
罔丕惟進之恭洪舒于民亦惟有夏之民叨
懌日欽劓割夏邑天惟時求民主乃大降顯
休命于成湯刑殄有夏惟天不畀純乃惟以
爾多方之義民不克永于多享惟夏之恭多

爾雅謂也

嗚呼王若曰先言嗚呼而後言王若曰者周公先自歎息而後稱王命以誥之也

士夫不克明保享于民乃胥惟虐于民至于百為大不克開乃惟成湯克以爾多方簡代夏作民主慎厥麗乃勸厥民刑用勸以至于帝乙罔不明德慎罰亦克用勸要囚殄戮多罪亦克用勸開釋無辜亦克用勸今至于爾辟弗克以爾多方享天之命嗚呼王若曰誥告爾多方非天庸釋有夏非天庸釋有殷乃惟爾辟以爾多方大淫圖天之命胥有辭乃惟有夏圖厥政不集于享天降時喪有邦間之乃惟爾商後王逸厥逸圖厥政不益烝天

聖通明之稱

克者能勝之謂也

夾夾輔之夾

介賓介之介介何介賓介之介介何不夾輔介助我周王享天之命

惟降時喪惟聖罔念作狂惟狂克念作聖天惟五年須臾之子孫誕作民主罔可念聽天惟求爾多方大動以威開厥顧天惟爾多方罔堪顧之惟我周王靈承于旅克堪用德惟典神天天惟式教我用休簡畀殷命尹爾多方今我曷敢多誥我惟大降爾四國民命爾曷不忱裕之于爾多方爾曷不夾介又我周王享天之命今爾尚宅爾宅畋爾田爾曷不惠王熙天之命爾乃迪屢不靜爾心未愛爾乃不大宅天命爾乃屑播天命爾乃自作不

臣我監監監洛邑之遷民者也猶諸侯之分民有君道焉所以謂之監也
臬事也
忌畏也
穆穆和敬貌

典圖忱于正我惟時其教告之我惟時其戰要囚之至于再至于三乃有不用我降爾命我乃其大罰殛之非我有周秉德不康寧乃惟爾自速辜王曰嗚呼猷告爾有方多士暨殷多士今爾奔走臣我監五祀越惟有胥伯小大多正爾罔不克臬自作不和爾惟和哉爾室不睦爾惟和哉爾邑克明爾惟克勤乃事爾尚不息于凶德亦則以穆穆在乃位克聞于乃邑謀介爾乃自時洛邑尚永力敗爾田天惟界矜爾我有周惟其大介賚爾迪簡

多方疑當作多士
立政吳氏曰此書成王以任用賢才之道篇中有立政二字因以名篇
目葛氏曰諱體也
周公若曰此篇周公所作而記之者
周史也故稱若曰
常伯有教民之長
曰常伯
常任有任事之公
卿曰常任
準人有守法之有
司曰準人

在王庭尚爾事有服在大僚王曰嗚呼多士爾不克勸忱我命爾亦則惟不克享凡民惟曰不享爾乃惟逸惟頗大遠王命則惟爾多方探天之威我則致天之罰離逖爾土王曰我不惟多誥我惟祇告爾命又曰時惟爾初不克敬于和則無我怨

立政

周公若曰拜手稽首告嗣天子王矣用成戒于王曰王左右常伯常任準人綴衣虎賁周公曰嗚呼休茲知恤鮮哉古之人迪惟有真

綴衣三事之外裳
服器者曰綴衣
虎賁執射御者曰
虎賁

亦越者繼前之辭

三宅謂居常伯常

任準人之位者也

三俊謂有常伯常

任準人之才者也

蓋刑進任刑戮者

也

庶習備諸侯既者

乃有室大競顯俊尊上帝迪知忱恂于九德

之行乃敢告教厥后曰拜手稽首后矣曰宅

乃事宅乃牧宅乃準茲惟后矣謀面用丕訓

德則乃宅人茲乃三宅無義民桀德惟乃弗

作往任是惟曩德爾後亦越成湯陟丕釐上

帝之耿命乃用三有宅克即宅曰三有俊克

即俊嚴惟丕式克用三宅三俊其在商邑用

協于厥邑其在四方用丕式見德嗚呼其在

受德警惟羞刑曩德之人同于厥邦乃惟庶

習逸德之人同于厥政帝欽罰之乃在我有

夏式商受命奄甸萬姓亦越文王武王克知

三有宅心灼見三有俊心以敬事上帝立民

長伯立政任人準夫牧作三事虎賁綴衣趨

馬小尹左右攜僕百司庶府大都小伯藝人

表臣百司太史尹伯庶常吉士司徒司馬司

空亞旅夷微盧烝三毫阪尹文王惟克厥宅

心乃克立茲常事司牧人以克俊有德文王

罔攸兼于庶言庶獄庶慎惟有司之牧夫是

訓用違庶獄庶慎文王罔敢知于茲亦越武

王率惟救功不敢替厥義德率惟謀從容德

任人常任也

準夫準人也

牧常伯也

趨馬掌馬之官

小尹小官之長

攜僕攜持僕御之

人

百司若司喪司服

也

庶府若內府大府

也

天都小伯者謂大

都之伯小都之伯

也

藝人者卜祝筮面

執技以事上者也

表臣百司表外也

外百司若外府外

司服之屬所謂表

臣也

五經通義

卷下

卷下

卷下

卷下

太史者史官也
尹伯者有司之長
如荀人內養膳夫
則是數尹之伯也
司徒主邦教
司馬主邦政
司空主邦土餘見
牧誓
三亳蒙為北亳
熱為南亳偃師為
西亳
有司有職主者也
牧丈牧人也
文子文孫者成王
武王之文子文王
之文孫也

以並受此丕丕基嗚呼孺子王矣繼自今我
其立政立事準人牧夫我其克灼知厥若不
乃俾亂相我受民和我庶獄庶慎時則勿有
聞之自一話一言我則末惟成德之彥以父
我受民嗚呼予且已受人之微言咸告孺子
王矣繼自今文子文孫其勿誤于庶獄庶慎
惟正是父之自古商人亦越我周文王立政
立事牧夫準人則克宅之克由繹之茲乃俾
父國則罔有立政用儉人不訓于德是罔顯
在厥世繼自今立政其勿以儉人其惟吉士

戎兵戎服兵器也

耿光德也
天烈業也

蘇公蘇國名也名
念生周公告大史
以蘇念生為司寇

周官成王訓迪百
官史錄其言以用
官名之亦訓射也

六服侯甸男采衛
弁畿內為六服也
百揆無所不悉者
也

四岳總其方岳者
也

用勩相我國家今文子文孫孺子王矣其勿
誤于庶獄惟有司之牧夫其克詰爾戎兵以
陟禹之迹方行天下至于海表罔有不服以
觀文王之耿光以揚武王之大烈嗚呼繼自
今後王立政其惟克用常人周公若曰太史
司寇蘇公式敬爾由獄以長我王國茲式有
慎以列用中罰

周官

惟周王撫萬邦巡侯甸四征弗庭綏厥兆民
六服羣辟罔不承德歸于宗周董正治官王

州牧各撫其州者也

侯伯次州牧而總諸侯者也

太師太傅太保賈誼曰保者保其身體傳者傳之德義師道之教訓此所謂三公也

三孤孤特也三少雖三公之貳而非其屬官故曰孤

冢宰冢大宰治也天官卿治官之長是為冢宰

司徒地官卿主國教化

宗伯春官卿主邦禮

司馬夏官卿主戎馬之事

司寇秋官卿主冠賊法禁

司空冬官卿主國空土

曰若昔大猷制治于未亂保邦于未危曰唐

虞稽古建官惟百內有百揆四岳外有州牧

侯伯庶政惟和萬國咸寧夏商官倍亦克用

又明王立政不惟其官惟其人今予小子祇

勤于德夙夜不逮仰惟前代時若訓迪厥官

立太師太傅太保茲惟三公論道經邦燮理

陰陽官不必備惟其人少師少傅少保曰三

孤貳公弘化寅亮天地弼予一人冢宰掌邦

治統百官均四海司徒掌邦教敷五典擾兆

民宗伯掌邦禮治神人和上下司馬掌邦政

統六師平邦國司寇掌邦禁詰姦慝刑暴亂

司空掌邦土居四民時地利六卿分職各率

其屬以倡九牧阜成兆民六年五服一朝又

六年王乃時巡考制度于四岳諸侯各朝于

方岳大明黜陟王曰嗚呼凡我有官君子欽

乃攸司慎乃出令令出惟行弗惟反以公滅

私民其允懷學古入官議事以制政乃不迷

其爾典常作之師無以利口亂厥官蓄疑敗

謀怠忽荒政不學牆面莅事惟煩戒爾卿士

功崇惟志業廣惟勤惟克果斷乃罔後艱位

典常當代之法也

學古學前代之法也

賢有德者也
能有者也

三事即立政三事也

君陳君陳臣名周公靈汝成王命君陳代周公此其策命之詞史錄其書以君陳名篇

不期驕祿不期侈恭儉惟德無載爾偽作德
心逸日休作偽心勞日拙居寵思危罔不惟
畏弗畏入畏推賢讓能庶官乃和不和政靡
舉能其官惟爾之能稱匪其人惟爾不任王
曰嗚呼三事暨大夫敬爾有官亂爾有政以
佑乃辟永康兆民萬邦惟無斁

君陳

王若曰君陳惟爾令德孝恭惟孝友于兄弟
克施有政命汝尹茲東郊敬哉昔周公師保
萬民民懷其德往慎乃司茲率厥常懋昭周

馨香者精華之上
達者也

師眾也
虞度也

謀猷言切於事謂
之謀言合於道謂
之猷

公之訓惟民其乂我聞曰至治馨香感于神
明黍稷非馨明德惟馨爾尚式時周公之猷
訓惟日孜孜無敢逸豫凡人未見聖若不克
見既見聖亦不克由聖爾其戒哉爾惟風下
民惟草圖厥政莫或不艱有廢有興出入自
爾師虞庶言同則繹爾有嘉謀嘉猷則入告
爾后于內爾乃順之于外曰斯謀斯猷惟我
后之德嗚呼臣人咸若時惟良顯哉王曰君
陳爾惟弘周公丕訓無依勢作威無倚法以
削寬而有制從容以和殷民在辟予曰辟爾

狃習也

常典常也

俗風俗也

修良王氏曰脩謂

其職業良謂其行

義

敬典者敬其君臣

父子兄弟夫婦朋

友之常道也

顧命顧還視也成

王將崩命群臣立

康王史序其夏為

篇謂之顧命者鄭

玄云四首曰顧

死而顧而發命也

哉生魄十六日也

惟勿辟予曰宥爾惟勿宥惟厥中有弗若于

汝政弗化于汝訓辟以止辟乃辟狃于茲究

敗常亂俗三細不宥爾無忿疾于頑無求備

于一夫必有忍其乃有濟有容德乃大簡厥

修亦簡其或不修進厥良以率其或不良惟

民生厚因物有遷遷上所命從厥攸好爾克

敬典在德時乃罔不變允升于大猷惟予一

人膺受多福其爾之休終有辭於永世

顧命

惟四月哉生魄王不懌甲子王乃光瓶水相

被冕服憑玉几乃同召太保爽芮伯彤伯畢

公衛侯毛公師氏虎臣百尹御事王曰嗚呼

疾大漸惟幾病日臻既彌留恐不獲誓言嗣

茲予審訓命汝昔君文王武王宣重光奠壘

陳教則肄肄不違用克達殷集大命在後之

侗敬迓天威嗣守文武大訓無敢昏逾今天

降疾殆弗興弗悟爾尚明時朕言用敬保元

子釗弘濟于艱艱柔遠能邇安勸小大庶邦

思夫人自亂于威儀爾無以釗冒責于非幾

茲既受命還出綴衣于庭越翼日乙丑王崩

大保爽召公也象

宰第一召公領之

芮伯芮國名司徒

第二芮伯為之

彤伯彤國名宗伯

第三彤伯為之

畢公畢國名司馬

第四畢公領之

衛公衛國名司空

第五衛侯為之

毛公毛國名司空

第六毛公領之

釗康王名

綴衣帷帳也

仲桓南宮毛二臣

名

呂伋太公望子為

天子虎賁氏

翼室路寢旁左右


翼室也

伯相召公也召公


以西伯為相，狀下士，祭統云：狀者樂吏之賤者也。黼，黑也。黻，白也。雜，雜也。華，玉華彩色也。華玉，以飾几也。底，席也。蒲，席也。文，貝有文之貝也。豐，席也。筍，席也。竹，席也。琬，圭也。先，象也。象，象也。象，象也。

太保命仲相南宮毛俾爰齊侯呂伋以二于戈虎賁百人逆于釗於南門之外延入翼室恤宅宗丁卯命作冊度越七日癸酉伯相命士須材狄設黼辰綴衣黼間南嚮敷重篋席黼純華玉仍几西序東嚮敷重底席綴純文貝仍几東序西嚮敷重豐席畫純雕玉仍几西夾南嚮敷重筍席玄紛純漆仍几越玉五重陳寶赤刀大訓弘璧琬琰在西序太玉夷玉天球河圖在東序胤之舞衣大貝鼗鼓在西房兌之戈和之弓垂之竹矢在東房大輅

大輅圖



綴輅圖



五經圖釋


在賓階面綴輅在阼階面先輅在左塾之前次輅在右塾之前一人雀弁執惠立于畢門之內四人綦弁執戈上夾兩階凡一人冕執劉立于東堂一人冕執鉞立于西堂一人冕執戣立于東垂一人冕執瞿立于西垂一人冕執銳立于側階王麻冕黼裳由賓階階階太史秉書由賓階階階御王冊命曰皇后憑玉几道揚末命命汝嗣訓臨君周邦率循

書經下


甲

山內

先輅圖



象輅圖




天下燮和天下用答揚文武之光訓王再拜
 興答曰眇眇予末小子其能而亂四方以敬
 忌天威乃受同瑁王三宿三祭三吃上宗曰
 饗太保受同降監以異同秉璋以酢授宗人
 同拜王答拜太保受同祭濟宅授宗人同拜
 王答拜太保降收諸侯出廟門侯

康王之誥


王出在應門之內太保率西方諸侯入應門
 左畢公率東方諸侯入應門右皆布乘黃朱
 實稱奉圭兼幣曰一二臣衛敢執壤奠皆再

革輅圖



雀弁赤色弁也
 綦弁以文鹿子皮
 為之

綦弁圖



璋障瓊也

五經圖解

拜稽首王義嗣德答拜太保暨芮伯咸進相
 揖皆再拜稽首曰敢敬告天子皇天改大邦
 殷之命惟周文武誕受美若克恤西土惟新
 陟王畢協賞罰戡定厥功用敷遺後人休今
 王敬之哉張皇六師無壞我高祖寡命王若
 曰庶邦侯甸男衛惟予一人釗報誥昔君文
 武丕平富不務咎底于齊信用昭明于天下
 則亦有熊羆之士不二心之臣保乂王家用
 端命于上帝皇天用訓厥道付畀四方乃命
 建侯樹屏在我後之人今予一二伯父尚胥

璋瓚圖



大璋瓚圖

畢命

暨顧紱爾先公之臣服于先王雖爾身在外
乃心罔不在王室用奉恤厥若無遺鞠于羞
羣公既皆聽命相揖趨出王釋冕反喪服

畢命康王以成周
之衆命畢公保釐
此其冊命也

十有二年康王之
十二年也

紀十二年曰紀

惟十有二年六月庚午朏越三日壬申王朝
步自宗周至于豐以成周之衆命畢公保釐
東郊王若曰嗚呼父師惟文王武王敷大德
于天下用克受殷命惟周公左右先王綏定
厥家懋殷頑民遷于洛邑密邇王室式化厥
訓既歷三紀世變風移四方無虞予一人以

淑善也

慝惡也

靡靡相順從之意

寧道有升降政由俗革不臧厥臧民罔攸勸
惟公懋德克勤小物弼亮四世正色率下罔
不祗師言嘉績多于先王予小子垂拱仰成
王曰嗚呼父師今予祗命公以周公之事往
哉旌別淑慝表厥宅里彰善癉惡樹之風聲
弗率訓典殊厥井疆俾克畏慕申畫郊圻慎
固封守以康四海政貴有恒辭尚體要不惟
好異商俗靡靡利口惟賢餘風未殄公其念
哉我聞曰世祿之家鮮克由禮以蕩陵德實
悖天道敝化奢靡萬世同流茲殷庶士庶寵

資資材也

惟舊怙侈，後滅義服。美于人，驕淫矜侈，將由惡終。雖收放心，閑之惟艱。資富能訓，惟以永年。惟德惟義，時乃大訓。不由古訓，于何其訓。王曰：嗚呼！父師邦之安危，惟茲殷士。不剛不柔，厥德允修。惟周公克慎厥始，惟君陳克和厥中。惟公克成厥終，三后協心，同底于道。道洽政治，澤潤生民。四夷左衽，罔不咸賴。予小子永膺多福，公其惟時。成周建無窮之基，亦有無窮之聞。于孫訓其成式，惟又嗚呼。罔曰弗克，惟既厥心。罔曰民寡，惟慎厥事。欽若先王。

成周指下都而言

成烈以休于前政

君牙

前政周公君陳也
君牙君牙臣名穆
王命君牙為大司
徒此其詰命也
王穆王也康王孫
昭王子

緒統緒也

舊服忠貞服勞之

車

弘敷者大而布之

也

式和者敬而和之

也

厥惟難哉者嘆小
民之誠為艱難也

王若曰：嗚呼！君牙，惟乃祖乃父，世篤忠貞。服勞王家，厥有成績，紀于太常。惟予小子嗣守文武成康遺緒，亦惟先王之臣。克左右亂四方，心之憂危，若蹈虎尾，涉于春冰。今命爾予翼作股肱，心膂續乃舊服，無忝祖考。弘敷五典，式和民則。爾身克正，罔敢弗正。民心罔中，惟爾之中。夏暑雨，小民惟曰怨咨。冬祁寒，小民亦惟曰怨咨。厥惟艱哉！思其艱以圖其易。

五經圖解

卷五

五

五

先王君牙祖父也

罔命穆王命伯冏為太僕正此其職命也

伯冏臣名

御車御之官僕從大僕群僕凡從王者也

民乃寧嗚呼丕顯哉文王謨丕承哉武王烈
啓佑我後人咸以正罔缺爾惟敬明乃訓用
奉若于先王對揚文武之光命追配于前人
王若曰君牙乃惟由先正舊典時式民之治
亂在茲率乃祖考之攸行昭乃辟之有文

罔命

王若曰伯冏惟予弗克于德嗣先人宅丕后
怵惕惟厲中夜以興思免厥愆昔在文武聰
明齊聖小大之臣咸懷忠良其侍御僕從罔
匪正人以及夕承弼厥辟出入起居罔有不

匡輔助也

大正太僕正也

群僕謂祭僕隸僕

戎僕齊僕之類也

側媚側者喜邪媚

者諛悅小人也

吉士君子也

彝憲常法也

呂刑呂侯為天子

司寇穆王命訓刑

以誥四方史錄為

篇

欽發號施令罔有不臧下民祇若萬邦咸休
惟予一人無良實賴左右前後有任之士匡
其不及繩愆糾謬格其非心俾克紹先烈今
予命汝作大正正于羣僕侍御之臣懋乃后
德交修不逮慎簡乃僚無以巧言令色便辟
側媚其惟吉士僕臣正厥后克正僕臣諛厥
后自聖后德惟臣不德惟臣爾無昵于儉人
充耳目之官迪上以非先王之典非人其吉
惟貨其吉若時瘝厥官惟爾大弗克祇厥辟
惟予汝辜王曰嗚呼欽哉永弼乃后于彝憲

呂刑

鳴義者以鳴張疎

苞為義
矯虔者矯詐虔刑

也

泯泯昏也
禁禁亂也

皇帝舜也

重黎重少昊之後
黎高陽之後重即
義黎即和也

惟呂命王享國百年耄荒度作刑以詰四方
王曰若古有訓蚩尤惟始作亂延及于平民
罔不寇賊鳴義姦宄奪攘矯虔苗民弗用靈
制以刑惟作五虐之刑曰法殺戮無辜爰始
滌為劓刑桼黥越茲麗刑并制罔差有辭民
興胥漸泯泯禁禁罔中于信以覆詛聞虐威
庶戮方告無辜于上帝監民罔有馨香德
刑發聞惟腥皇帝哀矜庶戮之不辜報虐以
威遏絕苗民無世在下乃命重黎絕地天通

清問慮心而問也

穆穆者和敬之容
也
明明者精白之容
也

威權勢也
富賄賂也

司政典獄漢孔氏
曰諸侯也為諸侯
主刑獄而言

罔有降格羣后之逮在下明明棗常鰥寡無
蓋皇帝清問下民鰥寡有辭于苗德威惟畏
德明惟明乃命三后恤功于民伯夷降典折
民惟刑禹平水土主名山川稷降播種農殖
嘉穀三后成功惟殷于民士制百姓于刑之
中以教祗德穆穆在上明明在下灼于四方
罔不惟德之勤故乃明于刑之中率乂于民
棗彝典獄非訖于威惟訖于富敬忌罔有擇
言在身惟克天德自作元命配享在下王曰
嗟四方司政典獄非爾惟作天牧今爾何監

格至也

非終即康誥大罪

非終之謂也

惟終即康誥小罪

惟終之謂也

兩造者兩爭者皆

至也

五辭屬於五刑之

辭也

內女謁也

貨賄賂也

來于請也

墨刻額而涅之也

劓割鼻也

剕刑也

宮刑也男子割

勢婦人幽閉

大辟死刑也

鑊六兩日鑊

非時伯夷播刑之迪其今爾何懲惟時苗民

匪察于獄之麗罔擇吉人觀于五刑之中惟

時庶威奪貨斷制五刑以亂無辜上帝不蠲

降咎于苗苗民無辭于罰乃絕厥世王曰嗚

呼念之哉伯父伯兄仲叔季弟幼子童孫皆

聽朕言庶有格命今爾罔不由慰日勤爾罔

或戒不勤天齊于民俾我一日非終惟終在

人爾尚敬逆天命以奉我一人雖畏勿畏雖

休勿休惟敬五刑以成三德一人有慶兆民

賴之其寧惟永王曰吁來有邦有土告爾祥

刑在今爾安百姓何擇非人何敬非刑何度

非及兩造具備師聽五辭五辭簡孚正于五

刑五刑不簡正于五罰五罰不服正于五過

五過之疵惟官惟友惟內惟貨惟來其罪惟

均其審克之五刑之疑有赦五罰之疑有赦

其審克之簡孚有衆惟貌有稽無簡不聽其

嚴天威墨辟疑赦其罰百鑊闔實其罪劓辟

疑赦其罰惟倍闔實其罪剕辟疑赦其罰倍

差闔實其罪宮辟疑赦其罰六百鑊闔實其

罪大辟疑赦其罰千鑊闔實其罪墨罰之屬

三千總計之也

惟齊非齊者法之

灌也

有倫有要者法之

經也

官典獄之官也

伯諸侯也

族同族也

姓異姓也

千剗罰之屬千。刑罰之屬五百。官罰之屬三百。大辟之罰其屬二百。五刑之屬三千。上下比罪無僭亂辭。勿用不行。惟察惟法。其審克之上刑適輕。下服下刑適重。上服輕重諸罰。有權刑罰世輕世重。惟齊非齊。有倫有要。罰懲非死人。極于病。非佞折獄。惟良折獄。罔非在中。察辭于差。非從。哀敬折獄。明啓刑書。胥占咸庶。中正其刑。其罰其審。克之獄成。而孚輸而孚其刑。上備有并兩刑。王曰。嗚呼。敬之哉。官伯族姓。朕言多懼。朕敬于刑。有德

兩辭者無證之辭

嗣孫嗣世子孫也

文侯之中幽王為

大戎所殺。晉文侯

與鄭武公迎太子

宜白。立之。是為平

王。遷於東都。平王

以文侯為方伯。賜

以鉅鬯。弓矢。作策

書。命之。史錄。為策

父義和同姓。故稱

父文侯。名仇。義和

其字。不名者。尊之

惟刑。今天相民作配。在下明清于單辭。民之亂罔不中聽。獄之兩辭無或私家于獄。兩辭獄貨非實。惟府辜功。報以庶尤。永畏惟罰。非天不中。惟人在命。天罰不極。庶民罔有令政。在于天下。王曰。嗚呼。嗣孫。今往何監。非德于民之中。尚明聽之哉。哲人惟刑。無疆之辭。屬于五極。咸中有應。受王嘉師。監于茲祥刑。

文侯之命

王若曰。父義和。丕顯文武。克慎明德。昭升于上。敷聞在下。惟時上帝集厥命于文王。亦惟

也

閔憐也
純大也

顯祖文人皆謂唐

叔也

彤赤也

盧黑也

都者國之都鄙也

費皆費地名淮夷

徐戎並起為寇魯
侯征之於費皆費
故以費皆名備

指閑牧也
據機檻也

臣妾役人賤者男
曰臣女曰妾

先正克左右昭事厥辟越小大謀猷罔不率
從肆先祖懷在位嗚呼閔予小子嗣造天丕
愆殄資澤于下民侵戎我國家純卽我御事
罔或者壽俊在厥服予則罔克曰惟祖惟父
其伊恤朕躬嗚呼有績予一人永綏在位父
義和汝克昭乃顯祖汝肇刑文武用會紹乃
辟追孝于前文人汝多修扞我于艱若汝予
嘉王曰父義和其歸視爾師寧爾邦用賚爾
秬鬯一卣彤弓一彤矢百盧弓一盧矢百馬
四匹父往哉柔遠能邇惠康小民無荒寧簡

血爾都用成爾顯德

費皆皆

公曰嗟人無譁聽命徂茲淮夷徐戎並興善
敕乃甲冑敵乃干無敢不弔備乃弓矢鍛乃
戈矛礪乃鋒刃無敢不善今惟淫舍牝牛馬
杜乃獲斂乃宰無敢傷牝牯之傷汝則有常
刑馬牛其風臣妾逋逃勿敢越逐祗復之我
商賚汝乃越逐不復汝則有常刑無敢寇攘
踰垣墻竊馬牛誘臣妾汝則有常刑甲戌我
惟征徐戎峙乃糗糧無敢不逮汝則有大刑

損榦板築之木也
曰損牆端之木也
旁曰榦牆兩邊障
土者也

秦誓秦穆公代鄭
時晉襄公帥師敗
秦師于散囚其二
帥穆公悔過誓告
群臣史錄為篇

番番老貌

愆去乾功過也失
也

侂侂勇貌
截截辨給貌
昧昧我思者深潛
而靜思也

彥美士也

抗不悛也
隍

魯人三郊三遂時乃損榦甲戌我惟築無敢
不供汝則有無餘刑非殺魯人三郊三遂時
乃錫芟無敢不多汝則有大刑

秦誓

公曰嗟我士聽無譁予誓告汝羣言之首古
人有言曰民訖自若是多盤責人斯無難惟
受責俾如流是惟艱哉我心之憂日月逾邁
若弗云來惟古之謀人則曰未就予息惟今
之謀人姑將以為親雖則云然尚猷詢茲黃
髮則罔所愆番番良士旅力既愆我尚有之

侂侂勇夫射御不違我尚不欲惟截截善諷
言俾君子易辭我皇多有之昧昧我思之如
有一介臣斷斷猗無他技其心休休焉其如
有容人之有技若已有之人之彥聖其心好
之不啻如自其口出是能容之以保我子孫
黎民亦職有利哉人之有技冒疾以惡之人
之彥聖而違之俾不違是不能容以不能保
我子孫黎民亦曰殆哉邦之抗隍曰由一人
邦之榮懷亦尚一人之慶

書經終

157
11
13

